



Vanmiddag kom wij, zoas elk jaor
Met de familie, gezellig bij mekaor
Kedogies ligt al klaor
En een paor bint veur mij

Kerstmis is een mooie tied
Maor er is allent ien ding
Dat vin ik echt niet fijn
Dat leg ik nou wal oet
In het refrein, in het refrein, oh

Refrein

*Ik moet van mien mam nette kleren an
Een jurkie o zo schier met een strikkie deran
Rooie schoegies van het veurige jaor
Mien tienen doet zeer en op rechts zit een blaor
Ik hol best van kerst maor niet alles is fijn
Want ik moet van mien mam nette kleren an*

Ik kiek hen boeten, snei plakt an het raom
Ik pak mien jassie en wil de deur oet gaon
Mien mam giet dan gauw staon
Komp er an, grep mij vast

Kerstmis is een mooie tied
Maor ik moet zo netties zitten
Op de baank of op de stoel
Je snapt het aj 't heurt
Hoe ik mij vuul, hoe ik mij vuul, oh